

# पत्रुसका ज्याक्तुम डादोम सेलाखाजेम

१ येशू ख्रीष्टकु थुर्मा पत्रुसका, पोन्टस, गलातिया, कापाडोकिया, एशिया नुड बिथिनिया क्षेत्रडा फोन्सिक्साका वाडथोलाम रोकपामिम होडडा बाट्पा माम्चुनीका छेटिमडीमिम मुचुमिमलाई ओराम सेलाखाजेम ज्याक्तोडा लेट्पु।<sup>२</sup> डादो आथाममिम उनी मुलु होम्साका माम्चुनी पापका गानीलाई उनी त्वाकु मुचु दुम्मु छेटिमनी। येशू ख्रीष्टकु सिसिका कोसाका सेपा दुम्साका गुमीका ज्वामीमिम गानी थोनी ज्वाक्साका गुमीका गानीलाई उनी पेलका उनीमा बनेबेन्नी। माम्चुनीका गानीलाई दिदाम नुड न-भ्रसी छोम हापा ग्वानीमीनू।

## मेसिपा न

<sup>३</sup> माम्चुनी नुड ईकी डाचो येशू ख्रीष्टकु पापकाम नड कोसीनू। छोम उनी न-थोमका येशू ख्रीष्टकु सिमुलाममिम बग्गेसीलामका मेसिपा न काम लागि गुई लाले दुम्साका गस्तिम बुई।<sup>४</sup> पाहीला जुल्थाट्मा ईनीमा लागि जि-वा मेचेम्पा, मेफालिसक्पा, मेचुर्पा बु।<sup>५</sup> मेर्मिम हुक्पा थारीका सेल्सिमु मेरोक्थुमसम्म ईनी थोरलामका माम्चुनीकु युमका गानीलाई बोनी-थानी।<sup>६</sup> घारेकोडकाम लागि हापा दुखामिम गानी इम्मुबासी, लावो ओरामकाम लागि छोम ब्रसीद्वक्नी।<sup>७</sup> मुका खारेबुमिम लावो हुक्पामा लक्पा सोनाडाम वो ईनीमा थोर हापा थिकाम बु। आरेप्पाम दुखाका ईनीमा थोर आच्छाडा ज्वाक्पा रेम्बु। मेराम हापा दुखामिमलामका ईनीमा थोर भाल-आथो मेदुम्पामा येशू ख्रीष्ट सुम्दीसेरडा रेम्बेम्सिप्पीमिमनेम ओराम थोरका ईनीमा नड कोक्सु, युम भवाबेडु मा डोक्पु दुम्बेनी।<sup>८</sup> गुमीलाई गानी

ल्वान्नीम मिबु लोवो गुमीलाई रिखाम बोनी। ओम्लो गुमीलाई गानी मेल्वानी लावो गुमीडा थोरलुनी, मा सोमु मेभापा छोम डोक्पु न-ब्रसी ल्वानी।<sup>९</sup> हेडालोने गुमीडा बोनीमिम थोरकु पुरस्कार गानी सेल्सिनीमिम सो।<sup>१०</sup> गानी ल्वामु खान्नीमिम दिदामकु दुथाम जेपा माम्चुनीलाम-जेपामिमका ओराम सेल्सीलाई जोहोमका माल्मिडी-रूलोम्डी मा थेसिथेन्मु माल्मिडी।<sup>११</sup> ख्रीष्टकु पेल मेर्मिमडला बाईडा मा ख्रीष्टका हेसाका दुखा ल्वामी मेम्मा युम-भवाक्सी ल्वामी ज्वाक्पा मेर्मिमलाई सोतोडा लेटिमडी। मेर्मिमका ओराम ल्वा हाम्सी दुम मा हेसाका दुम ज्वाक्साका माल्म चोम्मिडी।<sup>१२</sup> माम्चुनीका गुमीलाम-जेपामिमका जेम्डिम ल्वा मेर्मिमलाई जोपा दुम्पा मेएँ लावो ईनीमा लागि सो ज्वाक्पा मेर्मिमनुड रेम्बेम्डी। पाहीलामका माम्चुनीका थुर्मिडीम माम्चुनी-पेलकु युमलामका मेर्मिमका गानीलाई थेसिथेन्बेटिम बाईडा। ओराम ल्वा थेसिथेन्मु पाहीचोमिमकाम वो छोम उनी न बु।

## सेपा दुम्नी

<sup>१३</sup> मेम्मिमका ईनीमा न-गोडा भोम्सिटनी, त्वाका त्वापलाई जोहोमका जुल्नी, येशू ख्रीष्ट रेम्बेम्सिप्पीलो गानी ल्वामु खान्नीमिम दिदाम छोम ल्वापा न बेनी।<sup>१४</sup> माम्चुनीका ज्वामीमिम थोपा चोचोमिम होडडा गानी बोमु-दोमु बासी। डादो बिलि आच्छाडाकाम ल्वा मेचक्साका ईनी नकु कोकोक्सीका मेजोपा बेन्निम होडडा मेबेनी।<sup>१५</sup> लावो गानीलाई येट्पा माम्चुनी सेपा बुमीमिम होप्माडा गानी वो खोत्ले ईनी खारी बेसिडा मेजोपा ल्वाडाम वाड दुम्नी।

१६ हेडालोने माम्चुनीकु सिजेमका ज्वा,  
 \*६“मेजोपा ल्वाडाम गो वाड बुडुमिम  
 होडडा गानी मेजोपा ल्वाडाम वाड  
 बानी।” †१७ माम्चुनीडा गानी सोम्दी  
 बोनीलो गुमीलाई पाप ज्वानी, गुमीका  
 निया वो बोमी। गुमीका चोमिक्सी  
 मेबेसाका लावो मेर्मिमका बेम्डिम खारी  
 होम्साका खोत्ले मुचुमिमकु निया बोमी।  
 मेम्मिमका ओराम सुबुडा वाडथोलाम  
 रोक्पा होडडा बुनीलो माम्चुनीलाई  
 डोकपु मिम्साका उनीमा डिम जुल्नीमा  
 बानी। †१८ ईनी बेब-पापलाम रोक्पा हाम  
 ना हामकु ल्वाडाम सोना, मत्तो होप्पाम  
 म्वापामा लक्पाका गानीलाई ब्रेसाका  
 फ्वाक्पा मेएँ ज्वाक्पा गानी चनीमिम बु।  
 १९ लावो हाम वो मेर्ल्लोट्पा नुड मेजोपा  
 हाम वो मेबाट्पा भेन्दाकुचो होप्पाम  
 ख्रीष्टक हापा थिकाम सिंसिका ब्रेसाका  
 माम्चुनीका गानीलाई फ्वाक्नीमिम  
 सो। †२० माम्चुनीका सुम्दीमोडाम वो  
 डादोडा ईनीमा थि सॉक्साक्पा गुमीलाई  
 थुटिमडीम बाईडा। लावो ओ हुक्पा  
 थारीका ईनीमाडा गुमी रेम्बेम्सिम्डी।  
 २१ ख्रीष्टलामका माम्चुनीलाई थोर  
 लुनीमिम बु, गुमीका ख्रीष्टलाई  
 सिमुलाम फक्मिडीमा खोत्लेडाम डोकपु  
 दुम्बेट्मिडी। मेम्मिमका ईनी थोर नुड  
 हाम-हम ल्वापा ईनीमा न माम्चुनीडला  
 बु। †२२ आच्छाडाकाम ल्वा होडडा  
 बेसाका गानी ईनी त्वापलाई छेको-छेको  
 दुम्बेट्मिम बु। मेम्मिमका थोर लुपा  
 ईनीमा वा-ल्वाकलाई आच्छाडाका  
 रिखाम बेनी, मा ईनी त्वाप-त्वापडा  
 न-गोलामकाडा छोम रिखाम बेबेनी।  
 २३ सिपा भ्रल मेएँ लावो मेसिपा भ्रल,  
 हेल्लो वो मेसिपा मा हेल्लो लोवो दुम्पाम  
 बाट्पा माम्चुनीकु सिजेमलामका गानी  
 आथावो गक्नीम बु। †२४ माम्चुनीकु

सिजेमका आरे ज्वा, \*६“मुचुमिम ने जेम  
 होप्पामडा, मेर्मिमकु जोप्सी ने सोब्दी  
 बुडुमा होप्पामडा। जेम सा, मा बुडुमा  
 आल्ल्या, †२५ लावो डाचोकु सिजेम ने  
 हेल्लो लोवो दुमहोम बु।” गानीलाई  
 थोबेट्मा जोपा-सेलाकु सिजेम ओरामडा  
 सो।

### नुबेट्पा लुड नुड सेपा मुचुमिम

२ मेम्मिमका खोत्ले मेजोपा ल्वा,  
 लिमा जेसी, मिनी मिक्सीलामडा  
 जोपा बेपा लिसिसी, नाचुर नुड डक्साका  
 जेसीमिम पार्नी। २ मालो गक्पा चोच्योका  
 उमा मामकु दुदु डुमु मालुमिम होडडा  
 गानी वो माम्चुनीकु सिजेम थोपा छोम  
 न बेनी। मेम्साका माम्चुनीडलाम ईनी  
 थोर बर्तो ल, मा गानी सेल्सिनी। ३ डाचो  
 न-थोमनुडमा बुमी ज्वाक्पा गानी ल्वामु  
 दुम्नीम बु। ४ डाचो येशूडा रोक्नी, गुमी  
 नुबेट्पा लुड सो। गुमीलाई मुचुमिमका  
 पार्मीडिम लुड लावो माम्चुनीका  
 छेट्मिडिम मा छोम डोकपु मिम्मुका  
 घेट्पा बुमी। ५ गानी वो हेल्लो लोवो  
 बाट्पाम बाट्पा त्वारोम ल्वापामिम सो,  
 ईकी त्वापलाईडा उनीमा ल्वाडा जुली  
 मेम्मा माम्चुनीकु सोरलोले दुम्पा नेमकाम  
 लुड होप्पाम गुई दुम्सी। गानी सेपा उनी  
 दुम्लाचोमिम सो। माम्चुनीलाई गेर्सिबेट्पा  
 ईनी न-गोडाम आलासां नुड उनी नड  
 कोक्सी येशू ख्रीष्टलाम ग्वाक्नी।?  
 ६ हेडालोने माम्चुनीकु सिजेमका आरे  
 ज्वा, \*६“डोकपु दुम्मुकाम लागि थुट्मा  
 नेमकु फारगोयुम कोले डोकपु लुड गो  
 यरूशलेमडा जुलु मा सुका गुमीडला थोर  
 बु मेरामकु नो-कल हेल्लो वो मेल।”  
 †७ मेम्मिमका गानी उहेमका थोरलुनी,  
 ईनीमा लागि गुमी ने ईनी डोकपु दुम्सी  
 सो, लावो थोरमे लुपामिमकाम लागि ने,

†१:१६ \*लेवी ११:४४-४५; १६:२

†१:२४ \*यशै:४०:६-८

†२:६ \*यशै:२८:१६

\*“उहेम लुड नेम चिर्पांमिमका पार्मीडी, मेरामडा नेमकु फारगोयुम डोकपु लुड दुस्ता।” †८ मेम्मा, \*“मुचुमिमलाई दुबेटपा कोले लुड नुड मेर्मिमलाई चार्पा भ्वा।” मेर्मिमका माम्चुनीकु सिजेम होम्साका मेबोमी मा दुम्सिप्पी। मेर्मिमडला आरे दुम्मुडा माम्चुनीका मुलु बेम्डिम बाईडा। †९ लावो गानी ने माम्चुनीका थुट्टिनम पाइमाखा, हपकु डुम्लाचोमिम, माम्चुनीकु नडका साटपा सामा, गानीलाई तुकुम्चिमलामका हेल्लो वो मेल्वाम्मा ओलडा रेमिम माम्चुनी उनी त्वाकु मुचुमिम सो। गुमीका मुचुमिमलाई छोम जोंपा खारी थोबेन्मु लागि गानि थुट्टिनम बु। †१० कोबिलि गानी माम्चुनीकु मुचु मेबानीवा, लावो ओम्लो गानी माम्चुनीकु मुचु दुम्नीम बु। कोबिलि गानी माम्चुनीलाम न-थोम ल्वान्नीम मेबायावा, ओम्लो गानी गुमीलाई न-थोम ल्वान्निम बु। †११ द्वादिबुड डोप्सोनी, गो गानीलाई छोम ज्वाडु, ओराम सुम्दीसेरडा गानी कोलेम-नलेम बाटपा नुड वाडथोलाम रोकपा मुचु होप्पाम सो। थिसिथेट्नीमा ईनी गोनो क्वाल्बा बेपा मिरोमडाम मेजोपा ल्वामिमडाम वाड बानी। †१२ थोरमेबेपा ईनी साउखोरमिमकु थेटेडा चडको-चडको दुम्साका जोहोमका बानी। गानी मेजोपा खारी बेन्नी ज्वाक्साका मेर्मिमका मेजोपा ल्वा ईनी बुईडला बुम्डीडा लोवो मेर्मिमका जोपा ईनी खारी ल्वामीनु मा सुम्दीसेरकु निया बेण्डा योमीमिमनेम मेर्मिमका माम्चुनीलाई डोकपु मिम्मीनु।

### डाचोकाम लागि साखामचोमिमकु साखामगोडा बुमु

†१३ डाचोकाम लागि मुचुकु खोत्ले साखाम गोडा बानी, छोम डोकपु

साखामनुडमा हप दुम्मुका †१४ किब्दी साखामचो दुम्नु, मेर्मिम ने मेजोपा खारी बेपालाई देन्दे ग्वामु मा जोपा खारी बेपालाई डोकपु बोमु लागि थुम्सिम्डीम दुम। †१५ हेडालोने गानी जोपा खारी बेसाकाडा नेप्ची मान्थिम मुचुका थिसिमेथेट्मीवाम जेसी लिवा बाबेन्मुबासी ज्वाक्पा माम्चुनीकु न बु। †१६ गानी फ्वाक्मा बुनी मावो माम्चुनीकु डुल्चो गानी बुनी। मेर्मिमका फ्वाडांसड्डोम बु ज्वाक्साका मेजोपा खारी मेबेनी। †१७ खोत्ले मुचुमिमलाई डोकपु मिम्मी। थोरलुपा वा-ल्व्वाकमिमलाई रिखाम बेनी। माम्चुनीकु डिम जुल्नी, हपलाई डोकपु मिम्मी। †१८ डुल्चोनी, ईनी नेमहपमिमलाई छोम डोकपु मिम्साका मेर्मिमकु साखामगोडा बानी। जोपा नुड न-थोमनुडमाकाडा कोडडा मेएँ, न-थोम मान्थिमकु साखामगोडा वो बानी। †१९ कोडनिम मुचुका माम्चुनीलाई मिम्साका मेरेडा दुखा इम्डु माला माम्चुनी गर्सिप्पी। †२० गानी मेजोपा खारी बेसाका डेम्लासोन्सिनीमा इम्नी माला गानी हाम ल्वानीमा? लावो गानी जोपा खारी बेसाका वो दुखा ल्वानीमा इम्नी माला माम्चुनी गानीडाम गर्सिप्पी। †२१ आरेप्पामडा दुखा इम्मुकाम लागि माम्चुनीका गानीलाई येट्नीमिम सो। हेडालोने गानी उनी सुल-सुल लाम्दीनी ज्वाक्साका ख्रीष्टका वो ईनीमा लागि इम्मीडीमा रेम्बेट्नीमी। †२२ \*“गुमीका हेल्लो वो छुल मेबेमीवा, मा सुलाई वो लु-फेले मेबेमीवा।” †२३ मुचुमिमका गुमीलाई डक्साका जेम्डीलो गुमीका मेर्मिमडला उनी छोकचो मेहाट्मीवा। गुमीका दुखा इम्मीडीलो सुलाई वो डिम मेसाट्मीवा। लावो जोहोमका

†२:७ \*भ-सं-११८:२२

†२:८ \*यशै-८:१४

†२:२२ \*यशै-५३:९

निया बेपाकु ल्वाड्डा उनी त्वाप जुल्मिडी। २४ गुमीका ईकी छुलमिम उनीमा मिरोमडा कूसडला कुर्मीडी। उनीमा पारमिमका गानी सन्नीम बु। मेम्साका छुल मेबिईनु मा माम्चुनीकु न-गो होम्साका नुईनु। २५ ताडताहेरथो लकपा भेन्दा होप्पाम गानी बान्नी। लावो ओम्लो गानी गानीलाई रेपा ईनी गोठालाथो र्ल्लोन्सिट्नीम बु।

### वोचु नुड नाईमे

३ गानी नाईमेमिम वो मेम्साकाडा ईनी त्वाकु वोचुकु साखामगोडा बानी, मा मेमिमका माम्चुनीकु सिजेमडा थोरमेबोमी माला वो हाम वो मेसोसाका उनी नाईमेमिमकु बासी-पेसीलामका, २ ईनीमा जोपा बासी-पेसी नुड माम्चुनीकु डिम जुल्नीमिम ल्वामीमा वोचुमिमलाई थोरलुपा दुम्बेनी। ३ सेम बनेबेसाका, सोनाकु ल्वालाड बासाका नुड हापा थिकाम ये-सेमका ऊ डडलाममिम ईनी जोप्सी मेदुम्नु। ४ ईनीमा जोप्सी ने न-गोलाममिम दुम्मुबासी। मेराम हेल्लो वो मेदाम्पा याक्के दुम्सी नुड लिबा बासी सो। माम्चुनीकु डादोडा मेराम हापा थिकाम दुम। ५ आरेसाकाडा माम्चुनीकु नडका सान्सिक्पा माकेम मेसेमामिमका वो माम्चुनीलाम हाम-हुम ल्वापा न बेसाका उनी त्वापलाई जोप्सीमा बनेबेम्डी। मेम्मा उनी वोचुकु साखामगोडा बाम्डी। ६ सारा मेप्पाम मेसेम बाईडा, उमा वोचु अब्राहामका ज्वाक्ताम गुका थोस्तु, मा अब्राहामलाई उ हप ज्वाक्ता। जोपा खारी बेन्नीमा हामडा वो मेडिनीवा माला गानी साराकु जाउमोचोमिम सो। ७ वोचुनी, मेम्मासाकाडा गानी ईनीमा नाईमेनुड दुसाका मा र्ल्लोया-बाया बेबेसाका बानी। गानी ईनी नाईमेलई डोकुपु मिम्मुबासी। गानीडाम मेर्मिम मेचापा

बुमी। लावो माम्चुनीका गानीलाई निफिलाई कोलेडा आच्छाडाकाम त्वारोम(नुपा) ग्वाक्निम बु। आरे बेनीमा गानी सोम्दी बोनीलो भोपा हाम वो मेदुम।

### जोपा खारी बिईलो दुम्पा दुखा

८ हुम्दडा, गानी खोत्ले कोले नकाम दुम्साका बानी। कोलेका कोडमीकु दुखाडा रेम्बेबेपा दुम्नी, वा-ल्वाकलाई होडडा रिखाम बेबेनी, न-थोमनुडमा दुम्नी, मा याक्के दुम्नी। ९ मेजोपा बेपालाई मेजोपा मेबेनी मा डकसाका जेपालाई डकसाका मेजेनी लावो मेर्मिमलाई जि-वा ग्वाक्नी। हेडालोने माम्चुनीका गानीलाई जि-वा ग्वामु लागिडा येट्नीम सो, मेम्साका गानी जि-वा ल्वानी। १० हेडालोने माम्चुनीकु सिजेमका आरे ज्वा, \*११“गानी गेसिक्साका बुमु द्वानी मा गेसिमु नेममिम रेन्नी माला मेजोपा जेमुडाम ईनी लेम वाड जुल्नी, मा लिमा थेन्मुडाम ईनी सि वाड जुल्नी। १२ मेजोपा खारी बोमुलामका र्ल्लोन्सिट्नी मा जोपा खारी बेनी। न-भ्रसिक्साका बुमु छोम माल्नी मा मेराम माल्निम बानी। १३ माम्चुनीकु मिक्सी जोपा खारी बेपा मुचुमिमडला दुम, मा उनी नोफला मेर्मिमकु सोम्दीथो ह्वासिक्पा दुम। लावो माम्चुनीकु डाली मेजोपा खारी बेपामिमकु कोथोलाम दुम।” १४ गानी जोपा खारी बोमु छोम न बोनी माला सुका गानीलाई मेजोपा बोनी मा? १५ लावो माम्चुनीकु न-गो होम्साका खारी बोनीलो वो दुखा ल्वानी माला ने गानी आलाकाम सो। मेर्मिमकु डिमसासीडाम मेडिनी, मा ईनी लोमेदाम्नु। १६ मेममेदुम्साका, ख्रीष्ट ईनी डाचो होडडा उनीमा सोरलोले बेनी। गानी थोरलुनीमिमकु दुथाम कोडनिमका हिलाहिसी बेम्डी माला मेर्मिमनुड सोमु लागि हेल्लो लोवो

भोम्जोल्सिट्नी। याक्के दुम्साका  
 नुड माम्चुनीकु डिम जुल्साका आरे  
 बेनी। १६ गानी ईनी ननुडमा दुम्नी,  
 मा मेम्साका ख्रीष्टडा बाट्पा जोपा  
 ईनी बासी-दोसीका ईनीमा कोथोलाम  
 मेजोपा जेपामिमकु उनी मेजोपा जेसीडा  
 उनी क्रोम लुनु। १७ मेजोपा खारी  
 बेसाका दुखा ल्वामुडाम जोपा खारी  
 बेसाका दुखा ल्वामुडा माम्चुनीका न  
 बोमीमिम माला ओराम जोपाडा सो।  
 १८ ईकीमा छुलमिमकाम लागि ख्रीष्ट  
 सिम्डी। कोखेप गुमी सिम्डीम बाईडा,  
 आथा ने सिमु मेबासी। गुमीका हेल्लो  
 वो छुल मेबेमीवा लावो गानीलाई  
 माम्चुनीकाडा रेन्मु छुलचोमिमकाम  
 लागि गुमी सिम्डी। मिरोमडा सिसाका  
 गुमीका दुखा ल्वाम्डी, लावो पेलडा  
 गुमी नुसाका बम्गेम्डी। १९ ओराम  
 पेलडाडा गुमी बन्थाट्मा पेलमिमकायु  
 लम्डीमा गुमी घ्वाम्डिमकु दुथाम  
 ज्वाम्डी। २० मेर्मिमका माके माम्चुनीका  
 ज्वाम्डिम होम्साका मेबेमीवा। नोआका  
 कुबी-बोक्सा बनेबुडुलोसम्म माम्चुनीका  
 इम्साका लम्थाट्मीडिम बाईडा।  
 मेराम कुवी-बोक्सागोनो खोत्ले लेत्ले  
 मुचुमिम कोडडा कुड्डा प्लुम्सिमुडाम  
 सिल्सिम्डिम बाईडा। २१ मेराम कुका  
 कु-रुदुम रेम्बु, उहेमका गानीलाई सेल्नी।  
 ओरामका मिरोमडाम ग्राम्लुपा तु पार्मा  
 होप्पाम मेएँ ननुडमाका माम्चुनीडा याचे  
 जेम्मा ल्वा सो। ओरामका येश ख्रीष्टकु  
 सिमुलाम बग्गेसीलामका गानीलाई  
 सेल्नी। २२ ख्रीष्ट पाह्रीला लम्डी  
 मा माम्चुनीका खोत्ले पाह्रीचोमिम,  
 साखाम नुड युम बाट्पा धामुलाम  
 पेलमिमलाई येशू ख्रीष्टकु साखामगोडा  
 बेसाका गुमीलाई उनीमा जोप ल्वालाम  
 गन्बेट्मडोम बु।

## माम्चुनीकाम लागि नुनी-बानी

४ मेर्मिमका ख्रीष्टका उनी मिरोमडा  
 दुखा ल्वाम्डी, गानी वो गुमी  
 होप्पाडा दुखा इम्मु नडा भोम्जोल्सिट्नी।  
 हेडालोने उहेमका मिरोमडा दुखा  
 ल्वास्तुम बु मेरामका छुल बोमु  
 डिडुडुम बु। २ मेम्मा आथाडा आनो गु  
 सुम्दीसेरडाम मेजोपा उ न होम्साका  
 मेदो, लावो माम्चुनीकु न होम्साका  
 दो। ३ वाडसामामिमका बोमु न बेम्डिम  
 होडडा नाम्सुर, वाडमीम मेसेमनुड अम्पा  
 न, डुसेवा, एलेडगी बेसाका पेपा ग्रुलाडा  
 नुड ग्राम्लुपा मूर्ति सेवसासीडा गानी  
 छोम नेम ताबेट्नी। ४ मेर्मिमका बोमीमिम  
 होप्पाम मेजोपा गानी मेबोनीमिम  
 ल्वासाका मेर्मिम डाडाया दुम्मी। मेम्मा  
 मेर्मिमका गानीलाई डक्साका जेमी।  
 ५ लावो सिपा नुड नुपामिमकु निया  
 बेपा माम्चुनीकु डादोडा मेर्मिमका  
 सोमु बासी। ६ मेर्मिमका हेल्लो मेसिपा  
 त्वारोम(नुमु) मेल्वापामिमलाई जोपा-  
 सेला थोबेट्मडी, मा खोत्ले मुचु  
 होडडा मेर्मिम सिमुडा बासावा लावो  
 आथाने मेर्मिम पेलडा माम्चुनीनुड  
 हेल्लो लोवो नुमीम बुमीनु। ७ सुम्दीसेरकु  
 हुक्पा थारी रोकफाड्डाम बु। मेर्मिमका  
 चडचडया बानी मा ईनी त्वापलाई  
 जोहोमका जुल्नी मेम्मा गानी सोम्दी बोमु  
 चापा दुम्नी। ८ खोत्लेडाम डोक्पु ल्वा,  
 छोम रिखाम बेबेनी। हेडालोने हापा  
 सेर्पा छुलमिमलाई रिखामका ड्याकु।  
 ९ सुम्बुर्मा मेकिसाका कोलेका कोलकाम  
 चापे-डुपे बेबेनी। १० गानी खोत्लेका  
 वाडमिमकु चापे-डुपे बोमुलागि राप्लावा  
 ल्वान्निम बु। दिदामकु खाल-खालकाम  
 राप्लावामिमडा माम्चुनीकु जोपा  
 डुल्लोमिम दुम्नी। ११ कोडनिम मुचु  
 जे माला माम्चुनीकु सिजेम जेमिम  
 होडडा मेरामका जेनु। चापे-डुपे बु  
 माला माम्चुनीका ग्वामीमिम सोका

बुनु। मेम्साका खोत्ले ल्वाडा येशू  
ख्रीष्टलामका माम्चुनीकु नड कोसीनु।  
उनीमाडा हेल्लो लावो युम नुड युम  
भवानुम बुनु। आमेन।

### थोर लुपा दुम्मिमका दुखा ल्वानी

१२ डोप्सोनी, हेल्लो वो मेल्वाम्मा  
हाम हुम गानीडला दुम्मिम होडडा  
गानीलाई छाम्पा ईनीमा थोम्बोक  
ख्वाक्पा दुखा ल्वानीलो डाडाय  
मेदुम्नी। १३ लावो ख्रीष्टका होडडा गानी  
वो दुखा ल्वानीलो ईनी न भ्रसीनु। मेम्मा  
उनी युम-भवाक्सीडा गुमी रेम्बेम्सीप्पीलो  
गानी छोम गेर्सिदवाक्नी। १४ ख्रीष्टकु  
नडका डला सोन्सिट्नी माला गानी  
आलाकाम सो। हेडालोने माम्चुनीकु  
युमनुडमा पेल गानी गोडा दुम। १५ गानी  
दुखा ल्वानी माला मुचु सेट्पा, खुपा,  
मजोपा खारी बेपा, वाडमिमकु खारीडा  
थेट्पा लिसिक्पा होडडा दुखा मेल्वानी।  
१६ लावो गानी थोरलुपा दुम्नीमका  
दुखा ल्वानी माला ने ईनी क्रोम  
मेलुनु। मुचुमिमका गानीलाई थोरलुपा  
ज्वामीमिमकाम लागि माम्चुनीलाई  
आलासो ग्वाक्नी। १७ हेडालोने  
माम्चुनीकु मुचुमिमलामकाडा निया  
दुम्मु चोम्सिक्पा थारी रोक्ताम बु। निया  
दुम्मु गुईलामकाडा चोम्सी माला ने  
माम्चुनीकु जोपा-सेला होम्साका दोमु  
मेदवाक्पामिमलाई ने हाम दुम? १८ मेम्मा,  
“माम्चुनीकु नहोडडा खारी बेपामिम ने  
मेभाहामका सेल्सिमी माला माम्चुनीकु  
लाम्दीडा लाममेदिपामिम नुड छुलचोमिम  
ने हे दुम्मी?”\* १९ मेम्मिमका माम्चुनीकु  
न होम्साका दुखा ल्वापामिमका  
थोरलुईमिम प्रडपा माम्चुनीकाडा उनी  
त्वापलाई ग्वामीनु मा जोपा खारी  
बोमीनुम बुमीनु।

### मण्डली रेपा डाउमिम नुड स्वालामिमलाई मुलुदुडकु

५ गानी गोडाम मण्डली रेपा  
डाउमिमलाई गो छोम ज्वाडु,  
हेडालोने गो वो मण्डली रेपा कोले  
डाउडा सो। ख्रीष्टका दुखा ल्वाम्डीम  
ल्वापा गो वो सो मा दिफु भवामिम  
उनीमा युम-भवाक्सी गो वो ल्वाउ।  
२ माम्चुनीका गानीलाई रेम्बेबेट्नीमिम  
उनी थोर लुपामिमलाई रेप्नी। न  
मेबिसिक्साका मेएँ लावो माम्चुनीका  
न बोमीमिम होडडा त्वाकु नकाडा  
बेनी। रारी बेसाका मेएँ लावो चापे-डुपे  
छोम बेबेदवाक्पा नका रेपा मुचु दुम्नी।  
३ गानीलाई रेम्बेबेट्मा मुचुमिमडला  
साखाम थोसाका मेएँ लावो मेर्मिमकाम  
लागि कोले रेम्बेपा मुचु दुम्साका  
रेप्नी। ४ मेम्मा भेन्दा रेपा खोत्लेडाम  
डोक्पु रोमी। मेम्मा ऊ जोप्सी हेल्लो वो  
मेदाप्पा युम-भवाक्सीकु मुकुट गानी  
ल्वानी। ५ मेम्साकाडा स्वालानी, गानी  
डावामिमकु साखामगोयु बानी। गानी  
खोत्ले त्वाप-त्वापडा ख्लोया-बाया  
बेबोमु छोम याक्के दुम्नी। “डोक्पु  
लिसिक्पा मुचुकु कोथीलाम माम्चुनी  
बमी, लावो याक्के दुम्पामिमडला न-थोम  
रेम्बोमी।”\* ६ मेम्मिमका माम्चुनीकु  
युमनुडमा गोजुडा याक्के दुम्साका बानी।  
मेम्मा गुमीका गानीलाई जोपा थारीका  
खोत्लेडाम डोक्पु दुम्बेनी। ७ खोत्ले  
ईनी मिम्ताम-सोताम गुमीलाई ग्वाक्नी,  
हेडालोने गुमीका गानीलाई रेप्नीमी।  
८ ईनी त्वापलाई जोहोमका जुल्नी,  
मा चडचडया बानी। ईनी स्वाक्चुमो  
शैतानका सुलाई डारुमा किलडोक्पु  
ज्वाक्साका क्रुक्बाल्पा सिंह होडडा  
लाम्दीबाल। ९ छोम थोरलुपा दुम्नीम  
बानीमा शैतानकु कोथीलाम बक्नी,

†४:१८ \*भ.सं-११:३१

†५:५ \*हितोपदेश ३:३४

हेडालोने खोत्ले सुम्दीसेरडा बाट्पा थोर  
 लुपा वा-ल्व्वाकमिमका वो अरिप्पामडा  
 दुखा ल्वामीम बुमी। १० खोत्ले दिदाम  
 ग्वाक्पा माम्चुनीका गानीलाई ख्रीष्टनुड  
 कोले दुम्सीडा हेल्लो लोवो दुम्पाम  
 बाट्पा उनी युम-भ्वाक्सीकु दोदोया  
 ल्वामु येट्नीम बु। घरिकोड गानी दुखा  
 ल्वानीमिम चडडा गुमीका गानीलाई  
 आथावो लाले दुम्बेनी, थोरलुपाम बाट्पा  
 दुम्बेनी मा सोनुडमा दुम्बेनी। ११ खोत्ले  
 युम हेल्लो लोवो उनीमाडा दुम्नूम बुनु।  
 आमैन।

### हुम्दडाम पत्रसकु सेव

१२ थोरलुईमिम लुडडोम ल्व्वाक  
 सिलासलामका ओराम कति दुपा

सेलाखाजेम गानीलाई ज्याक्तोडा लेट्पु।  
 ईनीमा सो हन्बेन्मु नुड ओराम माम्चुनीकु  
 आच्छाडाम दिदाम सो ज्वाक्पा गानीनुड  
 सोमु ज्याक्तोडा बेउ। ओरामडा गानी  
 दुम्नीम बानी। १३ \*बेबिलोनडा बाट्पा  
 मण्डलीका गानीलाई सेव ज्वाक्ताम बु,  
 मा आमा तारापाचो होप्पाम मर्कसका  
 वो गानीलाई सेव ज्वाक्ताम बु। १४ ईनी  
 त्वाप-त्वापगोडा \*थोर लुपाकु रिखामका  
 सेव सान्बेनी। ख्रीष्टडा बाट्पा गानी  
 खोत्लेनुड न-गो भ्रसी दुम्नु। †

†५:१३ \*रोम

†५:१४ \*रिखामकु चुप्पा बेबेसीका